

Bosna i Hercegovina
Federacija Bosne i Hercegovine
Tuzlanski kanton
Grad Tuzla
Služba za kulturu, sport, mlade
i socijalnu zaštitu
Broj: 17-11-2904-2026
Tuzla 26.2.2026. godine

Na osnovu člana 5. Pravilnika o kriterijima i postupku raspodjele finansijskih sredstava iz Budžeta Grada Tuzle sa pozicije „Transferi neprofitnim organizacijama – podrška radu udruženjima“ („Službeni glasnik Grada Tuzle“, broj: 2/26) i Programa utroška sredstava iz Budžeta Grada Tuzle za 2026. godinu sa pozicije „Transferi neprofitnim organizacijama – podrška radu udruženjima“, broj: 17-58/26 od 13.2.2026. godine, Služba za kulturu, sport, mlade i socijalnu zaštitu Grada Tuzla, dana 26.2.2026. godine, objavljuje:

JAVNI POZIV

**za dodjelu sredstava iz Budžeta Grada Tuzle za 2026. godinu sa pozicije
„Transferi neprofitnim organizacijama – podrška radu udruženjima“**

I - Predmet javnog poziva

Predmet javnog poziva je dodjela sredstava iz Budžeta Grada Tuzle za 2026. godinu za podršku radu neprofitnim organizacijama koje obavljaju djelatnost u oblastima od interesa za područje grada Tuzle. Namjenska sredstva planirana su na poziciji „Transferi neprofitnim organizacijama – podrška radu udruženjima“ u iznosu od 368.000,00 KM.

II - Pravo učešća

Pravo na dodjelu sredstava, u skladu sa planiranim i raspoloživim iznosom na namjenskoj poziciji u Budžetu Grada Tuzle mogu ostvariti neprofitne organizacije koje imaju registrovano sjedište na području grada Tuzle, koje ispunjavaju sljedeće opće uslove:

- a) da su osnovane i registrovane u skladu sa važećim zakonskim propisima u Bosni i Hercegovini,
- b) da ne obavljaju aktivnosti u ime političkih partija i vjerskih zajednica,
- c) da svoje aktivnosti realizuju na području grada Tuzle.

Izuzetno, pravo na dodjelu sredstava mogu ostvariti i neprofitne organizacije koje nemaju registrovano sjedište na području grada Tuzle a koje realizuju aktivnosti od interesa za građane Tuzle, što će se cijeniti u svakom pojedinačnom slučaju.

Sredstva se mogu dodijeliti neprofitnim organizacijama (u daljem tekstu: aplikanti) čija je osnovna djelatnost, u skladu sa rješenjem o upisu u Registar, usmjerena na:

- a) poboljšanje položaja osoba sa invaliditetom te djece koja boluju od teških i trajnih oboljenja,
- b) porodično psihosocijalno savjetovalište sa akcentom na žene, djecu i mlade,
- c) institucionalnu brigu o djeci i mladima bez roditeljskog staranja,
- d) rad sa mladima pod uslovom da su upisane u Spisak omladinskih udruženja grada Tuzle,
- e) očuvanje romske kulture, tradicije, običaja i jezika,
- f) udruživanje penzionera u cilju međusobne solidarnosti i organizovanja pružanja socijalne i zdravstvene pomoći penzionerima i članovima njihovih porodica,
- g) učešće u akcijama zaštite, spašavanja i pomoći lokalnoj zajednici u posebnim okolnostima,
- h) tranzicijsku pravdu i pomirenje,
- i) organizovanje pomoći napuštenim životinjama te čuvanje i zaštita autohtone divljači u slobodnoj prirodi.

III – Namjena sredstava za dodjelu

Sredstva sa pozicije „Transferi neprofitnim organizacijama – podrška radu udruženjima“ dodjeljuju se neprofitnim organizacijama za administrativne i režijske troškove te troškove za realizaciju programskih aktivnosti koji su nastali u toku tekuće godine, a pod kojima se podrazumijevaju:

- a) administrativni troškovi (zakup poslovnih prostorija, režijski troškovi, angažovanje administrativno-tehničkog osoblja i sl.).
- b) troškovi programskih aktivnosti u skladu sa registrovanom djelatnosti i programom rada za tekuću godinu što će se cijeliti u svakom pojedinačnom slučaju i definisati ugovorom o dodjeli i načinu korištenja sredstava nakon završenog postupka odabira korisnika.

Troškovi koji nisu prihvatljivi za finansiranje/sufinansiranje sredstvima iz Budžeta Grada Tuzle su:

- a) troškovi koji nisu nastali u toku tekuće godine,
- b) troškovi isplate dugovanja iz prethodnog perioda,
- c) troškovi koji se ne mogu dovesti u vezu sa radom i realizacijom programskih aktivnosti korisnika.

IV – Prijava na Javni poziv

Prijava na javni poziv podnosi se na prijavnom obrascu propisanom od strane nadležne službe, koji je potrebno elektronski popuniti a koji se objavljuje uz javni poziv na službenoj internet stranici Grada Tuzle (grad.tuzla.ba).

Uz popunjen prijavni obrazac aplikanti su obavezni dostaviti sljedeće:

- a) opis aktivnosti koje se planiraju realizovati u tekućoj godini koji obavezno sadrži opis uticaja planiranih aktivnosti na ciljnu grupu od javnog interesa na području grada Tuzle,
- b) kratak opis aktivnosti/projekata realizovanih u prethodnoj godini,
- c) detaljno razrađen finansijski plan troškova koji su neophodni za rad u tekućoj godini a koja se potražuju od Grada Tuzle na propisanom obrascu za budžet, elektronski popunjenom i potpisanom od strane odgovorne osobe aplikanta,
- d) rješenje o upisu u registar udruženja kod nadležnog ministarstva (fotokopija osnovnog rješenja o upisu i rješenja o upisu promjena),
- e) izvod iz registra udruženja koji nije stariji od šest (6) mjeseci od dana objave javnog poziva (original ili ovjerena fotokopija),
- f) identifikacioni broj (fotokopija),
- g) uvjerenje o izmirenim obavezama prema javnim prihodima (uvjerenje nadležne porezne uprave koje nije starije od 30 dana od dana objave javnog poziva – original ili ovjerena fotokopija),
- h) završni godišnji finansijski izvještaj za prethodnu godinu sa pečatom AFIP-a (bilans stanja i izvještaj o prihodima i rashodima – fotokopija),
- i) podatke o stručnosti osoba angažovanih u udruženju (kraći CV),
- j) zvaničan dokument banke o transakcijskom računu aplikanta (fotokopija).

Provjeru upisa aplikanta koji rade sa mladima u Spisak omladinskih udruženja grada Tuzle izvršit će nadležna služba po službenoj dužnosti.

Prijava na javni poziv podnosi se na propisanom prijavnom obrascu koji je potrebno elektronski i u potpunosti popuniti te potpisati od strane ovlaštene osobe. Jedan aplikant može aplicirati sa jednom prijavom. Prijavni obrazac i obrazac budžeta objavljeni su u prilogu ovog Javnog poziva na službenoj internet stranici Grada Tuzle (grad.tuzla.ba).

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje. Neće se uzeti u razmatranje ni prijave aplikanta:

- a) koji nisu izvršili svoje obaveze u vezi sa ranije doznačenim (odobrenim) finansijskim sredstvima iz Budžeta Grada Tuzle,
- b) čiji je rad usmjeren na političke i vjerske aktivnosti,
- c) koje su namijenjene za isključivu dobit pojedinca,
- d) u kojima namjena sredstava nije definisana u skladu sa tačkom III Javnog poziva.

V - Osnovni kriteriji odabira i iznosi sredstava za dodjelu

Osnovni kriteriji odabira određeni su Pravilnikom o kriterijima i postupku raspodjele finansijskih sredstava iz Budžeta Grada Tuzle sa pozicije „Transferi neprofitnim organizacijama - podrška radu udruženjima“ („Službeni glasnik Grada Tuzle“, broj: 2/26) i Programom utroška sredstava iz Budžeta Grada Tuzle za 2026. godinu sa pozicije „Transferi neprofitnim organizacijama - podrška radu udruženjima“, broj: 17-58/26 od 13.2.2026. godine.

Aplikanti mogu dostaviti prijave u okviru tri (3) LOT-a:

LOT	Minimalan iznos sredstava za dodjelu (KM)	Maksimalan iznos sredstava za dodjelu (KM)
LOT 1	500,00 KM	10.000,00 KM
LOT 2	10.000,00 KM	25.000,00
LOT 3	25.000,00 KM	50.000,00

Visina sredstva za dodjelu u okviru LOT 1 će se određivati u skladu sa utvrđenim brojem bodova za aplikaciju prema sljedećem okvirnom rasponu:

Broj bodova	Iznos sredstava za dodjelu (KM)
20 - 26	500,00 - 2.000,00
27 - 32	2.000,00 - 4.000,00
33 - 38	4.000,00 - 6.000,00
39 - 44	6.000,00 - 8.000,00
45 - 50	8.000,00 - 10.000,00

Visina sredstva za dodjelu u okviru LOT 2 će se određivati u skladu sa utvrđenim brojem bodova za aplikaciju prema sljedećem okvirnom rasponu:

Broj bodova	Iznos sredstava za dodjelu (KM)
20 - 26	10.000,00 – 13.000,00
27 - 32	13.000,00 – 16.000,00
33 - 38	16.000,00 – 19.000,00
39 - 44	19.000,00 – 22.000,00
45 - 50	22.000,00 – 25.000,00

Visina sredstva za dodjelu u okviru LOT 3 će se određivati u skladu sa utvrđenim brojem bodova za aplikaciju prema sljedećem okvirnom rasponu:

Broj bodova	Iznos sredstava za dodjelu (KM)
20 - 26	25.000,00 – 30.000,00
27 - 32	30.000,00 – 35.000,00
33 - 38	35.000,00 – 40.000,00
39 - 44	40.000,00 – 45.000,00
45 - 50	45.000,00 – 50.000,00

Visina sredstava za dodjelu bit će cijenjena u svakom pojedinačnom slučaju uzimajući u obzir ukupnu vrijednost predložene aplikacije, traženi iznos sredstava iz Budžeta Grada Tuzle kao i iznos raspoloživih sredstava za dodjelu.

VI – Mjesto i rok dostave prijave na javni poziv

Prijave na javni poziv sa pratećom dokumentacijom aplikanti dostavljaju u zatvorenoj koverti preporučenom poštom ili predaju lično u Centar za pružanje usluga građanima (šalter sala) u zgradi Gradske uprave na adresu:

GRAD TUZLA
Služba za kulturu, sport, mlade i socijalnu zaštitu
Ulica ZAVNOBIH-a broj 11
75000 Tuzla

sa naznakom „Javni poziv za dodjelu sredstava iz Budžeta Grada Tuzle za 2026. godinu sa pozicije „Transferi neprofitnim organizacijama – podrška radu udruženjima“
„Ne otvarati prije zvaničnog otvaranja“

Javni poziv je otvoren 15 dana od dana objavljivanja, a krajnji **rok za predaju aplikacija je 13.3.2026. godine**. Aplikacije koje budu pristigle poslije navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Aplikacije poslane na bilo koji drugi način (npr. faksom ili e-mailom) neće biti uzete u razmatranje. Vanjska strana koverta mora sadržavati naziv i adresu aplikanta.

VII - Način objavljivanja rezultata i dodatne informacije

Nakon završenog postupka odabira na službenoj internet stranici Grada Tuzle (grad.tuzla.ba) bit će objavljena Lista o odabiru aplikacija koja će sadržavati odabrane aplikante kao i aplikante koji nisu ispunili uslove javnog poziva sa naznakom koji uslov nije ispunjen.

Sve dodatne informacije o načinu i postupku prijave na Javni poziv mogu se dobiti u Službi za kulturu, sport, mlade i socijalnu zaštitu Grada Tuzle, putem telefona: 035/307-327 te slanjem pitanja na e-mail adresu: asja@tuzla.ba, sa naznakom „Javni poziv – podrška radu udruženjima“.

**Služba za kulturu, sport, mlade
i socijalnu zaštitu**

Mr. sc. Asja Redžić